

**Eleccións Municipais 2019**

# **Concellos pola sustentabilidade**



Con vistas ás eleccións municipais do vindeiro 26 de maio, dende ADEGA queremos salientar a importancia das políticas municipais para acadarmos un modelo ecoloxicamente sustentábel no noso país e propoñer algunhas medidas concretas para acadarmos ese reto. A amplitude da crise ambiental amplificada polo cambio climática precisa de accións urxentes, tamén por parte do eido local.

1 Integrar a loita contra a mudanza climática en todos os eidos da actividade municipal.

2 Redución do consumo enerxético de como mínimo un 30% através do aforro, a eficiencia, a suficiencia e as enerxías renovábeis, establecendo obxectivos concretos, temporalizados e verificábeis.

3 Poñer en marcha sistemas de autoconsumo con fontes renovábeis nas instalacións municipais e incentivar estes no ámbito doméstico.

4 Plano de optimización da iluminación exterior con criterios ecolóxicos e culturais para evitar a contaminación lumínica.

5 Elaborar Planos de Mobilidade Sustentábel mancomunados ou integrados no desenvolvemento das áreas metropolitanas e comarcais, promovendo o transporte público, a intermodalidade e os deslacements non motorizados.

6 Extensión das zonas 30 a todo o casco urbano, con iniciativas de peonización masiva, estendendo a rede de carrís bici e sendas peonís.

7 Favorecer o uso do vehículo eléctrico e a substitución dos de combustión discriminando o acceso ás cidades e estendendo os puntos de recarga de automóviles eléctricos.

8

Inventario local e comarcal de ENP, da biodiversidade e da xeodiversidade, con especial atención aos bosques autóctonos e a rede fluvial.

9

Promoción dos ENIL (Espazos Naturais de Interese Local) e das microrreservas, garantindo a aprobación e aplicación dos planos de xestión dos espazos naturais no eido local.

10

Recuperar superficies para o monte público ou comunal, coa vocación de que sexan áreas de interese natural ou solo rústico non edificábel.

11

Poñer en marcha proxectos de restauración ambiental nos concellos, pódese traballar na recuperación de montes, dunas, pequenas zonas húmidas, etc.

12

Plan municipal de inventariado e erradicación das especies invasoras (análise dos lugares de entrada, zonas de eliminación, protocolos...)

13

Fomentar proxectos de custodia do territorio como ferramenta de conservación do patrimonio natural e cultural, contemplando beneficios fiscais ás persoas e entidades que asinen acordos de custodia.

14

Catalogar e protexer o patrimonio xeolóxico e paisaxístico impulsando e apoiando a creación de Lugares de Interese Xeolóxico (LIXs) e Xeoparques.

15

Promover a declaración de “Concello Libre de Eucaliptos” através de ordenanzas que efectivicen na práctica esa declaración, desenvolvendo programas de erradicación e control.

16

Prohibición das touradas e espectáculos que degraden os animais.

17

Contar con instalacións dignas para a acollida de animais domésticos abandonados suficientemente dotadas.

18

Artellar fórmulas de convivencia cos animais silvestres xestionando adecuadamente os conflitos.

19

Promover de xeito efectivo e prioritario o aforro de auga incorporando os custos ambientais á fiscalidade, para establecer unha progresividade e penalizar o desbaldimento.

20

Reutilizar as augas pluviais e depuradas (rega, limpeza viaria, loita contra incendios...) evitando o consumo de auga potabilizada.

21

Garantir a depuración integral das augas residuais promovendo sistemas descentralizados e con sistemas mixtos e a depuración natural.

22

Tratamento separado das augas residuais urbanas das industriais para evitar disfuncións nas depuradoras públicas e trasladar os custos á cidadanía.

23

Remunicipalización do ciclo integral da auga urbana, que inclúa todos os tratamentos de potabilización, traslado desde o lugar de captación até o seu subministro e a súa depuración e reutilización.

24

Garantir a participación social real no deseño e xestión urbanística, através de ferramentas como os Consellos de Participación Veciñal.

25

Adaptar os novos desenvolvementos urbanísticos ás necesidades reais de vivenda para primeira residencia e equipamentos públicos, evitando a ocupación de terras de interese agrario, ecolóxico, patrimonial ou paisaxístico.

26

Antepoñer a rehabilitación e o uso das vivendas baleiras á construción de novas.

27

Integrar a eco-eficiencia e o respecto pola paisaxe nas formas construtivas, usando materiais de construción locais e deseños respectuosos co medio para rematar co feísmo.

28

Protección efectiva dos solos non urbanizados situados a 500 metros do mar ou a 100 metros dos ríos, renunciando a reducir a servidume do dominio público de 100 a 20m como permite a Lei de Costas.

29

Incentivar a prevención, redución, reutilización e reciclaxe de residuos, asumindo a estratexia do “Residuo Cero”.

30

Reducir a cantidade de residuos nos eventos organizados polo concello e pola veciñanza abandonando as vaixelas de plástico.

31

Apostar pola compostaxe para a xestión da materia orgánica, implantando a separación en orixe e a compostaxe doméstica, comunitaria, municipal e mancomunada.

32

Establecer sistemas recollida selectiva “porta a porta”.

33

Apostar pola xestión pública directa e pola remunicipalización dos servizos de recollida de lixo, limpeza viaria, parques e xardíns.

34

Mercar os subministros dos organismos e edificios municipais a produtores/as locais, de ciclos curtos e certificación ecolóxica.



35

Limitar a implantación de grandes superficies comerciais e potenciar o comercio local e de rúa.

36

Creación de empresas sociais de recuperación (preparación para reutiliación) de roupa, electrodomésticos, aparellos electrónicos....

37

Campañas de concienciación e educación sobre a problemática dos refugallos para crianzas e persoas adultas, incluíndo a educación ambiental “porta a porta”.

38

Rexeitar actividades agresivas como a megaminaría ou que deteriorenen a calidade de vida das persoas ou o equilibrio ecolóxico.

39

Impulsar as redes curtas de comercialización e incentivar o consumo de alimentos de orixe local e galega.

40

Recuperar espazos de cultivo en concellos semiurbanos con terreos abandonados, dando a oportunidade de cultivar os seus alimentos a todas as persoas dispostas a facelo.

41

Declarar o concello “Libre de Transxénicos” para evitar o cultivo e o consumo de organismos e produtos xeneticamente modificados no seu territorio.

42

Abandonar uso de agroquímicos como o glifosato para a xestión da vexetación non procedente, así como dos pesticidas neonicotinoides.

43

Promover a participación das organizacións sociais na vida institucional e potenciar o seu papel como vehículos de participación e sensibilización.

44

Facilitar espazos físicos para a vida colectiva e a participación pública das entidades sociais e veciñanza.

45

Poñer en marcha de xeito efectivo os consellos municipais de medio ambiente e garantir a publicidade dos plenos, actas e toda información institucional.

46

Aplicar os Orzamentos Participativos a todos os eidos e en todas as partidas dos orzamentos municipais.

47

Elaborar unha Estratexia Municipal de Educación Ambiental e un Plano de Educación Ambiental Municipal para a súa aplicación.

48

Criazón de oficinas locais de voluntariado ambiental.

49

Reforma dos tributos e taxas existentes (lixo, vehículos, auga, depuración, obras...) para promover a eficiencia e gravar o desbaldimento e as emisións contaminantes.

50

Reinvestimento do canon eólico e hidroeléctrico en proxectos de mellora ambiental e fomento da sustentabilidade.

Galiza, maio de 2019

